

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: 24/17

Sarajevo, 18.8. 2017.godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 24/17 od 10.08.2017. godine, u postupku javne nabavke br 24/17-" Kontrolno mjerna i ispitna oprema" donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj 24/17 za nabavku roba : "Kontrolno mjerna i ispitna oprema", iz razloga jer nijedna od primljenih ponuda nije prihvatljiva, a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 24/17 od 12.05.2017.godine.

Javna nabavka je provedena putem otvorenog postupka za nabavku roba.

Procijenjena vrijednost javne nabavke bez PDV-a iznosi : 100.900,00 KM.

Obavještenje o nabavci broj: 247-7-1-66-3-112/17 poslato je na objavljivanje na Portal javnih nabavki dana 19.05.2017.godine., a sažetak obavještenja o nabavci je objavljen u Službenom glasniku BiH br.38 od 26.05.2017.god., Ispravka obavještenja o nabavci br.247-1-1-66-8-117/17 od 29.05.2017.god., a sažetak ispravke obavještenja o nabavci je objavljen u Službenom glasniku BiH br.40 od 02.06.2017.god

Komisija za javnu nabavku imenovana je Rješenjem br. 293/16 od 03.11.2016.g., i dopunskim Rješenjem članova komisije broj 24/17-1 od 12.05.2017.g.

Komisija za javnu nabavku dostavila je dana 15.08.2017.g. Preporuku o poništenju postupka javne nabavke roba: " Kontrolno mjerna i ispitna oprema" - tender broj 24/17

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 1 (jedna) ponuda – "BIHEXO" d.o.o. Sarajevo
- Da je blagovremeno zaprimljena: 1 (jedna) ponuda - "BIHEXO" d.o.o. Sarajevo
- Da nije bilo neblagovremeno zaprimljenih ponuda

Navedeni ponuđač je preuzeo tendersku dokumentaciju sa Portala javnih nabavki i samim tim je ostvario pravo učešća u postupku.

Komisija je utvrdila da dostavljena ponuda ponuđača: "BIHEXO" d.o.o.Sarajevo ispunjava zahtjevane TD uslove prema obliku i potpunosti u smislu pripreme ponuda.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala da je ponuđač ispunio kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Daljim pregledom ponude ponuđača " BIHEXO " d.o.o. Sarajevo, od strane stručnih lica za predmetnu nabavku konstatovano je da tehničke karakteristike ponuđenih uređaja od rednog broja 1 do 3 ne odgovaraju kako je to zahtjevano u tehničkoj specifikaciji tenderske dokumentacije.

Poz.1. Elektronski mjerac pritiska-data logger

- Traženo tenderskom dokumentacijom da se montira na armaturu-hidrant, a ponuđena je oprema koja se ne može montirati direktno na hidrant;
- Traženo tenderskom dokumentacijom da je kapacitet memorije više od 240.000 mjernih vrijednosti, ponuđeno 70.000 mjernih vrijednosti;
- Traženo tenderskom dokumentacijom opseg mjerenja 0-25 bara, u ponudi nema podataka;
- Traženo tenderskom dokumentacijom kućište loggера- na pritisak otporno, u ponudi nema podataka;
- Traženo tenderskom dokumentacijom da unos podataka bude na terenu, u ponudi nema podataka

Poz.2. Elektronski aparat za otkrivanje lokacije kvara na vodovodnoj mreži-korelator

- Traženo tenderskom dokumentacijom da posjeduje 2-kanalni radio prijemnik sa antenom i remenom za nošenje, 2x mikrofoni, slušalice, punjač i adapter, 2x Radio odašiljač (kanal 1 i kanal 2), 2x magnet.
- Ponuđena oprema višetransmitterska korelacija sa GSM tehnologijom.

Poz.3. Detektor zvuka-geofon (akvafon)

- Traženo tenderskom dokumentacijom da posjeduje: Digitalni prijemnik sa displejom u boji osjetljivim na dodir. U ponudi LCD grafički displej sa tipkama.

Na osnovu navedenog, konstatovano je da ponuda ponuđača " BIHEXO" d.o.o. Sarajevo ne ispunjava zahtjeve Ugovornog organa tražene tenderskom dokumentacijom, zbog čega se ponuda ponuđača smatra neprihvatljivom i ista se odbacuje.

Polazeći od gore navedenih konstatacija i činjenice da za predmetnu nabavku **nijedna od primljenih ponuda nije prihvatljiva**, čime su se stekli zakonski uslovi za poništavanje postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Marduc!
Se

Dostaviti:
-Ponudač
-a/a



Direktor

Nezir Hadžić, Magistar uprave